

307.25

22

2449

2543

瘍

醫準

繩

一之三

腫
瘍

甘草節

地榆各壹兩

右細剉每服半兩水貳碗煎壹碗分作二服早晚各壹服未成者自消潰者自乾其荷蒂去惡血萱根下水解毒利胸膈柞木有芒刺能驅逐地榆主下焦血病輕小證候或可倚仗

車螯散

車螯

壹兩煨通赤本草云車螯消酒毒

生甘草

貳錢半

輕粉

伍分

爲細末每服肆錢濃煎括蕒酒調五更服轉下惡物爲度未知再用効在五香之上

本草云車螯大蛤也一名蜃

又方

車螯

肆箇黃泥固濟火煨赤出火毒一宿

瓜萸

壹枚去皮瓦上炒香

燈心

叁拾莖

甘草節

伍分

右爲粗末作一服酒貳盞煎壹盞去粗入蜜壹大匙和勻每用酒八分盞車螯末貳錢膩粉少許調勻空心溫服取下惡物黃涎爲効

內消散

治癰疽結硬疼痛

人參

去蘆

瞿麥

白斂

川升麻

當歸

微炒

黃芩

防風

黃芪

剉

沉香

甘草

生剉各壹兩

赤小豆

煮熟壹合

爲細末每服貳錢不拘時溫酒調服

丹溪云車螯散一以輕粉爲佐一以燈心爲佐其散
腫消毒下積安詳穩重輕小症候可以倚仗

化毒爲水內托散 凡患癰疽發背對口惡疔瘡乳

花百種無名無頭疔瘡此藥能令內消去毒化爲
黑水從小便出萬不失一此方不可秘藏不可輕
視寶之寶之

乳香

穿山甲

白芨

知母

貝母

半夏

金銀花

皂角刺

天花粉

各壹錢

右咬咀用無灰酒壹碗煎半碗去粗作一服溫進
不宜加減將粗搗爛加秋過芙蓉葉細末壹兩以
蜜水潤過一宿自消不必用第二服忌發物大効
仙方活命飲又名真人活命飲 治一切瘡瘍未成膿者內
消已成膿者卽潰又止痛消毒之聖藥也

滴乳香

研

防風

白芷

貝母

赤芍藥

當歸尾

明沒藥

研

皂角刺

炒

天花粉

甘草節

穿山甲

炮各壹錢

陳皮

金銀花

各叁錢

在背俞阜角刺爲君

在腹募白芷爲君

在胸次加瓜蒌仁

貳錢

一在四肢金銀花爲君

如疔瘡加紫河車草根

參錢如無亦可

右爲粗末大者肆兩小者貳兩作一劑無灰酒拾茶鍾瘡小伍茶鍾入有嘴瓶內以厚紙封口勿令泄氣煎至參大鍾去粗作三次服接連不斷隨瘡上下服能飲酒者服藥後再飲三五杯此藥並無酒氣不動臟腑不傷氣血忌酸薄酒鐵器服後側睡覺痛定回生神功浩大不可臆度

潔古保安湯

治瘡托裏或已成者速潰

瓜蒌

新者壹枚
去皮火焙

沒藥

通明者
壹錢研

金銀花

甘草

生薑

各半兩

右爲細末用好無灰酒叁升于銀石器內煎至壹升分作叁盞三次飲盡病微者只一服如服托裏藥不能發散又作瘡者用此

葦航紀談云戶部尚書沈誥爲人仁厚一兵卒患背疽乞假親爲合藥治之時旱蝗當致齋園丘猶丁寧料理藥內用酒恐市酤不中用自取酒入藥服之卽愈其法用瓜蒌子一枚乳香沒藥各一錢甘草三錢用醇酒九盞臨服嚼沒藥一塊飲此酒

極妙

祕方托裏散

治一應瘡毒始終常服不致內陷

瓜蒌

大者壹枚杵

當歸

酒拌

黃芪

鹽水拌炒

甘草

白芍藥

各壹兩半

阜角刺

炒

金銀花

天花粉

熟地黃

用生者酒拌入

磁器蒸半日
四味各壹兩

用無灰酒伍茶鍾和藥伍兩入磁器內厚紙封口
再用油紙重封置湯鍋內煮用蓋覆之煮至藥香
取出分服直至瘡愈

薛按此方藥品平易消毒之功甚大且不動臟腑

不傷氣血不問陰陽腫潰屢用屢効誠仙方也常
治發背腦疽勢盛者更隔蒜灸若脉沉實大小便
秘者先用疎通而後用此其功甚捷若大毒已退
不作膿或不潰者用托裏潰而不斂及膿清用峻
補

祕方拔毒散 治一切癰疽腫毒其功不可盡述

乳香

沒藥

穿山甲 炮

當歸

木鱉子

各壹錢

瓜蒌實

剉錢

甘草

炙伍分

忍冬藤

貳錢

牙皂角

炒柒分

大黃

生熟各壹錢半

連翹

壹錢

貝母

柒分

作一劑用酒水各壹鍾煎至壹鍾食前服

按此方攻毒止痛化膿之良劑也屢用屢驗若有膿或已潰者大黃不可用恐泄其真氣則膿者難潰潰者難斂也亦有膿雖潰脉仍洪數或沉實喜冷者火邪尚在又所宜用

歸芪湯 治癰疽無頭但腫痛

黃芪

當歸

瓜蒌

甘草

皂角刺

金銀花

各壹錢

右咬咀水壹鍾半煎捌分去滓入乳香酒再煎服

又方

貝母

穿山甲

天花粉

右爲末每服叁錢水貳鍾煎半鍾一日四服其毒自在大小便下矣可與前方合爲一貼

破毒無比散 豬牙皂角去皮如法醋炙焦黃爲末每服半錢加穿山甲全者看患人證在何處就取此處甲用以蛤粉炒爲末壹錢與皂角末相和溫酒調下症在上食後服在下食前服神効

消毒散 治一切無名腫毒瘡癰

貝母一味去心切細一半生晒一半微炒和勻爲末病在上食後服病在下食前服酒調壹貳錢

一男子肩患毒腫硬作痛惡症迭見用白礬末參錢
糊丸以葱頭柴莖煎湯調下腫痛悉退再服諸症亦
退更以仙方活命飲二劑出水而消此秘方名千金
化毒湯本礬末葱湯調服因末難服故易爲丸一方
士治瘡疽不問腫潰先用此藥三二服後用消毒藥
甚効常治芻蕘之人用此卽退不用托裏藥亦愈蓋
止熱毒爲患血氣不虧故也若金石毒藥發疽者尤
効蓋礬又能解金石之毒也一方用礬末伍錢硃砂
伍分熱酒下亦効此藥托裏固內止瀉解毒排膿不
動臟腑不傷氣血有益無損其藥易得其功甚大偏

僻之處不可不知此方或虫犬所傷溶化熱塗患處更以熱酒調末服皆効

榮衛返魂湯

又名通順散○又名何首烏散

何首烏

不犯鉄

當歸

木通

去皮尖

赤芍藥

炒

白芷

不見火

懷香

炒

土烏藥

炒

陳枳殼

麴炒若惡心加薑汁炒

甘草

右方止此玖味各等分水酒湯使隨證用之水酒相半亦可惟流注加獨活每服肆錢病在上食後服病在下食前服

此一藥流注癰疽發背傷折非此不能効至於救
壞病活死肌弭患於未萌之前拔根於旣愈之後
中間君臣佐使如四時五行更相迭旺真神仙妙
劑隨證加減其効無窮何則此藥大能順氣勻血
故也夫氣陽也血陰也陽動則陰隨氣運則血行
陽滯則陰凝氣弱則血死血死則肌死肌死則病
未有不死者矣必調其陽和其陰然後氣血勻二
者不可偏廢只調陽不和陰則氣耗而血凝肌必
不活如五香連翹之類是已只和陰不調陽則血
旺而氣弱疾必再作如內補十宣之類是已然二

藥亦須參用不可執一爲妙此藥扶植胃本不傷元氣蕩滌邪穢自然順通不生變證真仙劑也用
法列之于左

一發背既久不愈乃前醫用涼藥過也涼藥內傷其脾外冰其血脾主肌肉脾既受傷飲食必減顏色痿痺肌肉不生血爲脉絡血一受冰則氣不旺肌肉糜爛故必理脾脾健肉自生宜於此方中去木通少用當歸倍加厚朴陳皮盛則用家傳對金飲子又盛則加白豆蔻之類爲妙 一凡治流注可加獨活流注者氣血凝滯故氣流而滯則血注

者速散服至瘡口合而止內能固濟去舊生新又
名固壘元帥

當歸

酒浸

桂心

不見火

人參

土芎

香白芷

防風

去蘆

桔梗

厚朴

去粗皮
薑汁炒

甘草

伍文

乳香

沒藥

并別研

右件藥各等分研爲末每服貳錢酒調日三服病
愈而止不飲者麥門冬去心煎湯或木香湯

一方治背癰附骨疽乳癰及一切癰腫未成膿者發
散極効

槐花

壹兩炒焦色

胡桃

拾个新鮮不油者
塘火煨熟去殼

右二味入砂盆內研爛如泥熱酒調和粗溫服如

能飲酒人多飲愈効一醉後而癰腫散矣

薺蒼散 治癰疽發背及一切癰毒等證如神

薺蒼草

其葉長如牛舌
其氣如豬臭者

小薊根

五爪龍

卽五藤

生大蒜

右四物各等分細研用酒和勻濾去粗服一椀得

大汗通身而愈

又方

治諸般癰腫神効

新掘天門冬

一味約
叁伍兩